



Digitized by the Internet Archive
in 2010 with funding from
York University Libraries

沈觀齋詩

五冊

王湘綺老人見示至日前夜雪之作且索和章賦
答

元陰凝靜夜。殘魄失孤皎。龍公初試雪。俄頃蘇群
槁。至日展郊禋。帝座通一燎。珪璧仍舊物。旄節有
新造。影纓萬羽林。荼火互馳道。雖無黃屋尊。猶肅
蒼穹禱。合沓千騎塵。草元人未曉。抽豪賦菟園。湘
潭八十老。示我正始音。古節入要眇。大典待勒成。
田蕪安容埽。

來詩有歸與
閑柴荆句

慎莫戀石船。漢庭須商

皓

和傅治鄉廣和居讌集即席韵

老至厭酬接。逃虛成懶散。久輟載酒遊。頻辭賞花宴。從衆病未能。孤行吾豈憚。踵息虛白室。靜閱朝昏變。素心有傅子。宣南引群彦。彌天四海人。手杯一笑粲。筍菜間南烹。魚羊羅北饌。風味故自殊。劫塵知幾換。當年抱冰叟。雅負人倫鑒。卜夜飲茲樓。賤子承私眷。嶽嶽嘉興沈。對杼懸河辨。酒悲良不

自初度有追隨某日下虞
淵之句今之君子屬用不一
用泊園仍合此句以宜酌
改或改為白日亭嶺嶠
亦可

勝琴絃久已斷世無司馬公虛我執鞭願主客三

人圖奇事誇一段

光緒癸卯張文襄來京師一夕招予與沈同叔飲廣和居三人

共語至夜
分始罷

爾來衰朽姿宣中廟堂選陳跡感夢餘

停筋起三歎救時况無策老僧困沙算可笑再來

人日弄一寸翰寒日下雲淵寥天展孤眄坊巷夙

經過步步有餘戀相呼狎漚侶各飽蒸鴨爛從君

乞告身一醉其可辨

治薌時官銓叙局叅事

次韵和樊山過泊園見懷之作

移情海上得山林。絕少門前鶴蓋陰。肯向町畦尋
故步。不因朝市改初心。迷花枉自勞夫子。對石差
強面孔。別後相思有長句。獨絃一曲寫天琴。樊山

自號天琴
閣主人

梁衆異寄示近作却贈

可人不見經旬月。一笑清詩雪裏來。下筆漸能除
綺語。坐曹何必損高才。飲誰與共呼驕卒。世莫吾
知謝鳩媒。守靜耽吟闕道力。人間多事鼓如雷。

閻子慶皆飲予新居以詩來謝奉答

幽棲隨處得安便。燕市吳江只一天。羸馬深衣趨
獨樂。虛亭屬草玩吾玄。高門政尔慙廷尉。封邑宜
君據酒泉。閻為酒泉人問訊官梅遲未發。啓予白雪有

新篇。

雪後與笏卿過樊山共話樊山枉詩次答

淡墨疏行老竹蟠。書詩兩絕得兼難。閒吟遣日安
心法。細字殘年洗眼看。雪色西山終不改。鷗盟滄

海未應寒於今楚國論者舊鑿齒知堪敵道安
樊山同笏卿過飯論詩用前韵有作奉同一首
窗下梅枝小屈蟠幾花權作故鄉看種桃各憶前
遊事脫粟相將一飯難促坐談龍應有錄空亭招
鶴與言寒北風買酒曹騰醉治具何能待武安
和傅治鄉雪後飲予新居韵

特地精神出草萊老梅宿士不塵埃
剩將花石遺孫子漫把菴寮署木灰

山谷在宜州名所居曰槁
木菴死灰寮見年譜

此等詩題
白軼蘇凌
黃輜陳日
或為泊園
一第之詩

寒歲供支謀酒事。麤官論列到詩才。海漚故是忘
機侶。對雪終然見本來。

題陳仁先侍御南湖壽母圖卷子

先朝女中論才筆。南樓老人稱第一。侍御有母翰
墨精。淵源遠自南樓出。寫生不下甌香館。學書早
入畫禪室。續鐙課子年復年。直到海水成田日。諸
郎秀出各有名。長公玉立尤錚錚。蘭薰雪白比曾
史。一慙不忍羞公卿。入臺一月朝市改。走海往尋

能不全人類

首聖地也

此詩初成余已泊園

君方接見庶寮余就索

引緒得此稿吟玩數日

得第卿曰真佳作也

芻狗上以爲此時固

三年重讀數已

記於卷端

鳬鷗盟。夙昔忠孝真實意。平淡毋取時人驚。心肝
丈夫貌。女子舉世波流金石止。問名先識五柳居。
養親大好西湖水。未暇滄浪論濁清。但隨親心為
憂喜。煙波小築湖上樓。南望西湖湖盡頭。隨時梅
鶴共棲隱。无限溪山供獻酬。便此足慰雙白髮。休
芻橐金須底物。三徑松菊未易求。一湖菰蔣從誰
且圖南湖且詠詩。母壽不窮湖不竭。惜哉不如南
樓夜紡授經圖。上有御題乾隆某年月。

東坡詩序

於南華北居

於此作

五

題舒氏宜園

在宣武門內皖人舒鴻貽所營

東城萬株柳。西涯數頃湖。朝士專一壑。睥睨王侯
居。宜園舊朱邸。門草茲已蕪。舒侯好事人。捲土忘
其劬。池竭鑿使深。臺傾仍與扶。幽樹間奇石。位置
天然殊。乘興偶經涉。我馬為踟蹰。觀其用意處。豈
非經世圖。載讀記與詩。君顧達者歟。自作詎自居。
兩忘人與吾。或疑君大隱。亮非隱者徒。方寸萬間
廈。未肯遺一夫。平泉誠子弟。後顧無乃愚。大哉憂

平、字去月尔
世奇無窮

樂懷所愛非吾廬

和傅治鄉喜雪

屢雪致奇寒。閉簾天地靜。凍歌何處難。未晨竦予
聽。霜氣動眉宇。珠顆垂鬚凌。獸鑪火力微。繭紙窗
光映。詩人意。倔強白戰勢。轉橫石硯炙。眼枯冰壺
徹。骨瑩河凍水。無舟孤榜孰。乘興冷吟坐。空壘突
起一敵勁。早作已先鳴。宵呻固非病。微妙時喻我。
相引入禪定。愛雪兩心同。有秋萬人慶。憂時寡寸

策澤物天為政。措目視八表。一白破昏暝。高枕寺
門西。吾生良可更。

和樊山祀竈日同笏卿飯泊園韻

醉餘司命有留遺。泥飲何妨盡一卮。共嚼梅花開
口笑。得來茅把蓋頭遲。家常魚蒜安排易。自有園
亭曲折知。一石負牆心所寶。肯因散馬易仇池。

答樊山再過泊園韻

狎漚海上記前盟。巾拂相從復上京。政爾據鞏能

鄉中二後仁先功
力深在鄉才力大皆
健者最可愛

一盼何憂折軸有群輕茶湯小啜甘仍跽鑪火微
溫滅又生便欲移牀梅竹裏兩翁如鶴意雙清
治鄉詩來喜予與笏老和其新作次答

據槁枯吟坐屋底經時不踏城門軌得君詩篇一
再讀如嚼冷雪肝腸洗君獨胡為厚二老罷羸轉
作長城倚我才要不逮拾遺謂左笏老解道浮雲變

玉壘何況吾子甚卓犖和壁孕奇光井里老醜幸
不見推排霜面雪髯疑可喜相與生活文字中世

人那知樂有此

乙卯元日樊山以京邸守歲詩見示奉答四首
隔歲梅花未改香。喜神先入讀書堂。夢回耳冷鈞
天樂。更聽雲門第一章。

叢殘滿屋幾曾除。猶手陳編踞竈觚。赴壑脩蛇遮
不得。金人何計取休屠。時方有倭事

真人閱世有還丹。來日何嘗說大難。早晚腹雷須

一吐。於今不作卧龍看。

來詩有竈錫如蠟膠人口
或待春雷共發聲句

我今乘翅附冥鴻他
日不差蛇作龍臣之賢
在久矣無能為也

知公政畧過詩才。并世周旋笑口開。除却千秋金鑑在。一年元日一詩來。

和笏卿臘月二十八日飲泊園韻

餞臘欣逢歲晚晴。非君懷抱與誰傾。知交未共搏沙散。老學同收炳燭明。乍得負冰魚可膾。不將饗客雁能鳴。呼奴煮雪携茶具。坐聽銅瓶過雨聲。正月五日招樊山晚飲。不至翌日用雪詩韻走筆。

見貽次答

此待以蘇

公來滿屋春。公去四壁靜。無公悄不歡。他人來去

聽。我有尺半魚。猶帶松花

江名

凌雪縷。一上口白。

鬚相輝映。饜客養吾饜。網取未為橫。如何不共飽。

投詩珠玉瑩。謂當發刃新。偶動擊鐘興。

是日因赴詩鐘局不

至。高唱笑棱登。羣起森茅勁。百中讓誰先。未能謝

僕病。長歎廣武原。雌雄何日定。寂寂守故宅。逢春

私自慶。屏絕如麻事。平章到酒政。所期勤來過。清

談了晨暝。快瀉龍頭杯。一酣還與更。

得竹勿人日泊園小飲詩歌以答之并呈樊山

盛譽誠不敢當
然知真知己不
能如此描寫盡
致

開緘讀君人日吟。中有浣花野老憂國心。發興草
堂引八極。曼衍不可端。崖尋佛說大千微塵界。於
師子座聞潮音。詩者原自適己事。既出乃如人人
意。痞在胷中鯁在喉。唾地須臾成文字。了知樸實
布帛言。不是怪奇魚龍戲。此日此詩非漫然。萬有
不足望諸天。天謂公真大醉耳。无聊抒寫洗洋篇。
篇中既不道細雨簷花共春酌。亦不及烹羊宰牛
樂。村姬絮絮愁家計。顰眉苦口三日惡。樊山老人

詩中例不說悲苦日與之遊聞其畧生事一草具
一露晚景無病亦無藥從今攜手日向城西園滿
引松醪分薄托

次韵和樊山正月十二日雪

燕市買醉催脫貂裘來人定星明宵一日病醒天
改色垂雲如墨不敢高風動竅木雪射壁紙窗既
白雞三號樊叟哦詩忽蚤起眼雖不花牙齒搖險
韵雙尖峻馬耳遠懷萬疊堆鵝毛龍公巧欲賺奇

漱氣流轉就

山倒海而下

韻來就句非

句去趁韻去

人中唯眉山

真此本領

句故遣玉屑填堂坳六一好事創禁體屏除鷺鶴
捐瓊瑤詩人變化有仙意鞭石可作秦皇橋遊心
何處白銀闌託興一山黃獨苗偶持中庭鹽絮句
送似隔巷溫雪交鏤冰豈足喻工巧琢玉差可方
堅牢以文自見小小耳劍血誓染長橋蛟四海震
盪天公戲負山豈得無神鼇料知游刃中經首未
肯便藏庖丁刀我才不豐詩思澀日擁旃罰餐胡
桃忍寒索句噤無語時有凍雀窗竹梢讀罷長篇

何朝字易三字
如

崛起坐使君敢匹英雄曹雪水暫可淪苦茗花時
所欠非緼袍詩中近愛宛陵體石飲杜歌誰為豪
願得一章春雪織蠻布不買南海鮫人五色綃

雪後風霾上元日晴得樊山和作仍疊前韵奉答
白首何意金張貂手摩冷硯朝至宵一人知己漫
相許意氣直與天雲高堂堂於今大國楚不薄東
野為蟲號長安少年逞眉睫雞翹鷺羽冠步搖大
梁公子頗好士未聞俯首薛與毛泊園佳處石可

語冷吟微步枯塘。美人投詩如翻水。相報惜少
英瓊瑶。昨日惡風惡難似。行人吹倒玉河橋。天黃
日瘦。晝忽晦。積沙已沒畦菜苗。北都近邊地高燥。
颿起每於冬春交。發蒙振落動萬物。鴻鈞一氣歸
皋牢。詩客卷書坐幽室。伸手乃欲冒寒蛟。坐中牽
來笑舞鶴。海上自署誇釣鼃。我屋漂搖豈不念。朽
鈍終恐成鉛刀。帝蜀帝魏今無此。梁父休誦齊相
桃。今朝上元好天氣。仰空箏響風鳶捎。燭栗且尋

以氣運詞如風
驅雲以素就初
九有北的

舊京李飲醇可就丞相曹風定雪消燈滿市無塵
污我故時袍買就青山豈得隱放歌白日猶能豪
相期與君吟到海棠花放日籠燭共看霞紅綃
春雪用聚星堂禁體韵同竹勿賦

刻楮三年得一葉不辨俄頃千林雪左叟憑空妙
結撰思通何有徑路絕騁妍抽秘奪天巧因方遇
圓盡曲折春冰欲泮魚背負晚色漸昏雁行滅把
書映窗忽眼明呵凍作字疑肘掣稍看溫氣回酒

萬金賤馬騰湖注
波如履平地筆墨
皆化為煙雲

花覺有寒光動衣纈埽徑僕疲睡觸屏打門客至
談霏屑一笑鉤簾看龍戰掉頭歲月去如瞥頻來
不惜履俱穿此景唯宜餅可說史局自隨紅粉麗
慎勿強道心腸鐵竹勿時在史館

麟德殿硯歌為樊山翁作

樊山癖古過婉孌開篋示我唐時硯黝澤宜入君
子手清嚴不類孔壬面諦視非端亦非歛鵠眼無
稱龍尾賤背陰刻賜楊弘元三字眉標麟德殿唐

考據以謙論
之致只逸氣而
老滯相此待視
恨不朽矣

第碑縱橫索
謂仍復沈某此
為七家

尊道教由玄元乃出上方所寶資黃冠未識何緣

更為白傳有左旁繆篆題香山香山昔為秘書監

殿前講論雜仙梵同時太清楊道士揮塵生風談

不倦唐文宗誕節詔白居易與安國寺沙門義林
太清宮道士楊和元講論於麟德殿見三教

論衡豈將此硯供獻訓樂與詩翁伴鉛槧下署觀者

李贊皇節度衛國官能詳吾聞贊皇不閱白公之

文恐意轉胡乃於此細字書密行又聞贊皇蓄硯

常數百不減愛石牛奇章或重此物為天府物故

以手跡留文房。流傳遺寶樊山收。是亦今之馮翊
侯。山行不虞魑魅奪。雲起疑有蛟龍湫。我守寸田
日無事。久忘怨李與恩牛。摩挲此硯三太息。古情
鬱勃來心頭。銅雀臺下泥。高歡宮中瓦。香姜名字
恣撻擣。一鼎焉用辨。賡岑王稱帝。號由來。假不知
此說樊山然不然。一笑陶泓知我者。

治鄉枉和雪詩韵仍疊奉答

搜句漸成續尾貂。誦聲老婢喧寒宵。指僵苦被筆

老夫與表不

可刑大海

迴風生紫閣

可以想生

言境

頭困肩聳酷似山字高。江夏無雙今傅子。抽矢一
發林猿號。早逢阿蒙已刮目。怕有白衣雙櫓搖。我
賦春雪語破碎。細甚如剉龜背毛。心知杯水浮一
芥。置身未免膠堂坳。君培風背有厚積。崑閬所取
皆玉瑤。戛然鳴鳳在阿閣。豈放騎驢吟灞橋。斯文
不絕今如綫。王風吁歎彼稷苗。把臂入林得我友。
有松可攀。呂可交。暇日考鐘集大衆。發聲遠海鏗。
蒲牢喜君高才甚卓犖。望氣不久為騰蛟。偶接清

詩妙難誇
服乃似梯性
乃自尔不必
情已

言散玉屑亦有筆記傳金鼈大篇汗漫肯惠我無
物可報金錯刀是雪是詩細咀嚼如從綏山啖一
桃讀罷寒香動襟袂梅枝低亞簾外梢閣東大牛
要鞦鞆問君幾歲官南曹公退幽吟坐小室煤熏
墨染緇布袍詩人鉤深有靜氣滕鄭無取屠沽豪
料知吟成脫腕不供寫與割冰蠶百尺綃
答何蘭孫龍江書樓晚眺見懷之作
未雨亭前過雁稀歲書樓外但斜暉僧留三宿今

積健爲雄
仍是因難
見巧

仍戀仙到重來事恐非。築館記曾題虎尾。逢人先
與說龍威。詩來正及東風惡。君滯邊頭我欲歸。
治鄉就泊園宴客。易石甫參事次貂宵韻賦詩見
示。仍疊韻奉答并呈樊山治鄉。

作官昔披三品貂。紅粉四圍煖春宵。令僕人才今
遍地。獨有第五名最高。哭菴自稱世駭怪。吾謂後
笑必先號。粉面朱唇老復丁。編貝之齒無時搖。方
朔滑稽龍無角。惠施好辯卵有毛。示我雪詩意竒

特天公乃與平凸坳絕代玉顏倘癥瘕能否補以
琪與瑤填膺百憤悶不洩買酒欲向天津橋即今
戰詩霸西楚彼重瞳子豈其苗我不為先守雌黑
未及避舍綏已交羸師只合閉高壘野老終然吟
下牢掉文弄翰騁漁獵往往蛇蚓襍龍蛟匹離不
勝氣力薄負山久已輸神鰲君才大似多錢賈貧
子敢與競錐刀樊山詩語若冰雪不比麤俗漫山
桃江夏傅子亦秀絕寒松冷翠雲外梢况君更以

沈觀齋

歌當哭猿啼鶴唳求其曹袖出新篇說舊事酒軍
詩敵皆同袍無多朝士畧可數一聖小兒堪自豪
可惜沈觀齋中無畫手為圖主客張生綃

泊園讀書二首

電光火光明燭萬枝觀書如月老來遲省油燈盞
麻沙本却記童年猛進時

詩緣發憤何為作史半傳疑亦懶觀尺許蒙莊千
佛偈引人心境入平安

黃秋岳僉事枉贈長篇依韵奉答兼示衆異

晚季文章易雄伯。屈宋往矣誰方駕。閩海詩法有

別傳。無雙驚歎黃江夏。衆中鶴立意非常。衣衫慘

綠頭絳帕。萬牛犇騰回筆力。五鳳隨手起間架。蘄

絕自是頭角異。高騫要須羽毛假。去年我遇梁伯

鸞。謂衆異試院秋燈談至夜。尔時即知有黃生。未嘗

識面心已下。梁黃齊名噪都邑。素衣不被緇塵化。

龍頭品目愧邴管。麈尾風流過王謝。獨憑專氣穿

深禪窟相懷微
之

溟津欲拾墜文補缺罅。曹事趨走日有程。脫口歌
詩仍整暇。寸莛我願發鐘聲。一篇市爭論紙價小。
車城北肯過存。對語瓶梅一枝亞。胷中意氣橫九
州。鄙事遑復及田舍。更抒瑰辭張老朽。謬推詎免
旁人罵。鍼石相引理則然。琳琅觸目能勿詫。詞林
祇今壞根柢。茲事商量有憑藉。末法了知非佛法。
吾災終竟同秦災。語君要道病未能。偶發狂言容
可貰。為約買花趁斜街。或與聽松尋潭柘。能從我

遊及春時柳綠昆明舊臺榭

早春和梁衆異

又當草長鶯飛日。隔歲池臺尚我春。已老未衰翻
自喜。相知最樂況方新。嬉遊無分遭平世。今昨俱
非懺此身。強說阿婆塗抹事。花枝冷笑白頭人。
花朝日竹勿過泊園相與徘徊久之遂爾成詠
好風吹客與俱來。池上桃花恰半開。難得芳時同
一笑。共看圓月幾多回。上元日亦集泊園、、

此是一首七律

不考析作兩絕

句 仙才誤字格

菊高滿志
新作

惟有摩尼珠可照
水源是悟後境

石山鉤帶關心計。松樹支離并手栽。問訊銜泥新
燕子。相迎為埽屋塵埃。

園居

行脚四天下。收身一草堂。夢餘仍故處。心在適何
鄉。好靜防人妒。呼春覺鳥忙。種松禮竒石。此意不
顏唐。

傳漣澄封翁六十壽詩

高懷不落世喧卑。竹塢松寮與性宜。三徑客來容

把臂一壺春。餉助齊眉。此才豹隱誰能測。有子龍
文。故不羈。靜閱海塵身健。在流年。屈指到期頤。
陳石遺邀飲齋中。即事賦呈。

端居常謝客。亦未輒詣人。詩翁招我飲。命駕乃欣
欣。幽棲在何所。繚曲東城根。過巷車百轉。誤打隔
鄰門。街童指謂客。彼屋侯官陳。入門見花竹。眼洗
都邑塵。架書與壁畫。古色紛璘玢。開篋示佛象。以
寸量金身。日本天文造。刻鏤今猶新。沐浴四海水。

陶鑄西方神。此象為君得。定知僧有因。

石遺自蕭謂為僧

奴解烹炙。鼎味飫衆賓。君故精百事。尤不苟於文。

孤詣似後山。意已雄七閩。倡為文酒會。及此花發

辰。門外風虎怒。主客了不聞。相對數甲子。五百廿

八春。末坐兩青鬢。梁衆異黃秋岳稱絕倫。世無大

我仙。豈別晁與秦。儕之諸老中。玉樹參霜筠。暖姝

各自媚。歡謔得其真。忽發少年狂。忘我鬢如銀。

題徐相國虞美人崖畫幀

太湖濱管社山有憤王廟廟左一石絕幽秀好

事者名曰虞美人崖。寫圖上之相國。

江東可王亦何顏。芭鼓荒祠數堵山。若為楚歌吾
楚舞。虞兮仍擁舊煙鬟。

美人化石果何年。畫史標題事偶然。應物無心徐
閣老。憑渠點綴作雲烟。

和樊山西園看月

尾春殘月獨成妍。拂袖京塵有別天。築屋無如因
樹好。登樓仍得弄珠圓。
樊山號所居曰弄珠樓

曾中慶用
口占并

直金宵肯虛吟詠如海人多入醉眠製就清詩機

自動

為人戲謂樊山為造詩機器

胡來風目枉相憐

立夏前一日笏卿約同樊山飲廣和居次日以詩

來奉答一首

春去櫻筍來歲時劇草草賴得素心人千齡共懷

抱持燭賞花遊人目楚三老市南舊酒店姓名熟

傭保烹魚說陶菜今人多未曉可憎浣壁書蛇蚓

互盤繞同光見翁

常熟文恭師

潘

吳縣文勤師

懸肆書亦好

世詩以梅二

文

看似常情遠
歲

近百不逮前而乃自謂姣我甯無特操肯隨衆顛
倒作字頗能敬論文伎元小鬢雪成何事海塵積
難埽喜君相呼食更以詩來勸樹陰行且讀互答
綿蠻鳥所思在螺蛤得味勝鹽醪君能數見招雖
菜敢不飽

和樊山韵

夢後春明認舊都一杯相屬酒家壚適驚苦筍催
歸老愁把新花對故吾擁腫有時為伴侶癡聾自

蒼秀是骨韻不
同此不可強為也

昔人論七言詩
須腰腹飽滿首
尾完足此詩述
事抒情大力
已舉如造一

視已翁姑。浮雲世事誰能料。但問鵝生四腿無。
三月三十日。鞠人相國招飲。弢園出圖索題賦呈
長句

魚麥不老江湖邊。我生飄蕩隨風船。偶得灣碕遂
止泊。勤收花石與周旋。漆園鄭圃一曲耳。醯雞所
守真甕天。相公東第盛池館。花竹秀野地幽偏。昔
時我入退耕堂。一飯謬居賓客先。九門烽火各驚
散。往從海鳥居三年。翼蔽舊君匡新國。公出直以

巨屋標椽梁
柱廣庀衆材
及乎造成但
覺精莊固
大不見斧鑿
之跡是之謂
木匠

一身肩賓館幸免變馬廐過時黃紫仍新鮮在公
一月不休沐歸來犬吠籬門前海東揚波動天地
精思起草忙平泉孤注敢以國僥倖萊公往策非
萬全天下事大忍乃濟成功始識鴟夷賢今日何
緣有此閒婪尾花光紅四筵萊甲覆畦筍出地池
水浮動么荷拳主人微笑客無言剡藤鋪几丹青
妍畫師落筆精妙處揣知本意在邱樊吾聞水竹
村遥對蘇門山美箭千叢泉百道中有葛相躬耕

斯之
然其
機微

每欲必括

田一壑能專事何有四海既雨雲來還我欲裹糧
往尋夏峰讀書處乞取山房割片氈

沈雨人侍郎蓄牡丹百數十種為京師冠頃與其
宗人淇泉翰林置酒賞花即席賦呈

逸士玩孤花淒紅不滿睫偶蹈衆香海望羊氣先
懾南北賭勝強收拾同臣妾平視姚與魏失聲影
頤涉癖花今瘦沈千品盡一獵列屋傾城姝騁妍
向長鬣玉立或並肩粉殘猶在靨橫出象松身雕

滄桑之變遷
 閱入世之不幸
 詩之幸也
 字之拙也
 金鑄刀

鐫疑楮葉輕。刷鶴翎頭丹。濃塗鴉點墨。翩然萼綠
 仙。微步虛廊。坐令人天眼。花室疲應接。主賓玉
 堂侶。是日坐中皆同館先後輩舊夢驚成魘。薪摧永樂簡。蹄踐
 史。宸牒學士手栽花。那見紅一捻。貞元餘幾士。芳
 塵強追躡。華鬢禮空王。故意仍稠疊。女惜過時花。
 仙有重來蝶。一酣了春事。微感寄深色。
 築池

我屋粗可居。所欠水與竹。竹擬醉日栽。
古記謂竹醉日種竹

多水要先時蓄穿井得泉眼以池為尾閭更就水
深淺養魚植芙蕖不求十丈花不買尺半鯉池上
無風雲脫佩弄清泚池或有竭日我心无住時濠
上果何樂顛倒周與施

樊山以調竹勿詩見示要予同作戲次其韵

楞嚴十種本皆仙蠟味橫陳不破禪勸置小星憐
顧絳描摹飛燕有伶玄久拋巧婦難能事且弄孩
兒不定天俗謂四月為孩兒天收拾百花佐詩料

二絕寄宋人

汪容

蜜甜真箇徹中邊

題銅官感舊圖

曾文正公兵敗靖港自投於水章君壽麟掖之以出後文正平江南

封侯章君終於州牧議者頗以報薄為疑銅官山在靖港章君此圖即感事而作也

意恐艱危失个臣同舟肝膽故輪囷蘆中枉說干

金劍計校酬恩是淺人

遺則彭咸為効忠相從介子敢言功監州符竹通

侯印六十年來夢影中

治圃

課童勤治圃。十日滿青蔥。畜艾三年計。回春一溉
功。老難隨物轉。天本不吾窮。春韭秋菘續。資生事
已豐。

答王晦如飲泊園作

過時櫻筍餘風味。入夏園林喜客同。濠濮漸知魚
鳥樂。飯芻猶可馬奴供。強將日飲酬賓佐。頗念冰
餐伴塞翁。晦坐中楊玉書閻慶皆與欲斷前塵開後
悟。非君孰啓我心蓬。晦如俱龍江幕中舊人

泊園寓懷

蓋頭隨處得吾廬。洛下堂成榜讀書。

溫公集獨樂園七詠讀書

一堂其

埽徑更無妨步草。窺池偶見出遊魚。居常多

暇時將晚飲。不成歡適有餘笑。指寒松相借問道。

君直性幾時紆。

池上荷發

荷簪出水不盈寸。撩起衰翁數倚欄。荏弱問誰持。

作柱舒張有日大。如盤却從綠暗求香色。必到紅

酣恐破殘作鬧早驅鶩鴨去忘機時與鷺鷥看

曉步池上

水光越宿清日氣方朝永柴立橋上翁游魚避笠
影

和樊山與笏卿過泊園納涼韻

夜月無心問缺盈得清涼地可長生閱時喬木不
知老依草夏蟲空自鳴留客茶瓜分野餉說詩蔬
筍似僧清素心有待同晨夕莫惜南城往北城

此亦聖俞
派

園居即事

綠陰合沓水潺潺。松樹生鱗石有斑。雖熟未嘗棲
惡木。欲歸何必定深山。孤雲過去知無意。衆草無
時待一刪。詩卷酒杯聊寄耳。殘年拚放此心閒。
雨中至三貝子園

夏乃思涼地。名園此再過。適來今日雨。相對去年
荷。劫壞池臺好人稀。草樹多。曲塘通釣艇。所欠一
漁簑。

五月二十三日同樊山竹勿遊十刹海和樊山韵
官居難得身無事。走覓林塘一席地。迎面荷風五
月秋。塵外咫尺暄涼異。臨水我是再來人。卜居近
鄰護國寺。時邀漢上題襟侶。別錄帝城消夏記。相
從不可無麴生。醉入菰蘆深處行。微波淺碧水禽
白。助我霧中隻眼明。眼底蒲花紅映屋。聲聲新蟬
翳喬木。御溝流水鳴咽語。城缺西山破碎綠。一海
屢閱世興亡。十刹空談僧飯粥。

帝京景物略云十
刹海粥飯不過中

金隄游女步嬋姍。高髻廣眉仍舊俗。尺五不見城
南天。一角西涯變稻田。鷹犬早空飛放泊。蒲魚不
入水衡錢。客來買夏弄湖水。搖風舞柳猶踟躕。鳬
鷺遠心忽萬里。日暮煙波何處船。當年水北盛邱
第。填門鶴蓋鬧如市。花萼樓連龍武軍。芙蓉園列
羽林衛。奈何俄頃壞家居。自此千秋餘涕淚。荷花
無主開向人。楚老相逢同一喟。看花未已看落暉。
反覆如讀書。百回路人豈免相怪笑。知其解者樊

山詩

衆異來詩有願署泊園詩弟子句愧悚不足輒書
奉答

如海人中得一梁頻摩老眼看珠光茶山敢謂學
傳陸師道終然語勝黃欲把見聞齊埽落獨餘文
字可商量密雲龍準髯蘇例石鉞風爐酌與嘗

和竹勿追涼十刹海歸飲泊園韻五首

逃暑百事廢亦復懶讀書懷哉城南叟時來共一

王詩並
佳

壺本不為盤飧。况有酒與魚。醉中故兀兀。覺後仍
遽遽。叔夜龍性人。意苦當闕呼。如何不憚煩。更駕
窮途車。

君出無他適。肯來就我言。龍詩常在袖。相見或不
冠。自言老欲眠。忘事如師丹。此說吾未信。文藁屋
三間。日鈔細字書。腕脫為後山。頗似入塾童。散學
來吾園。

園樹密不翦。池荷稀未開。虛室無關鎖。面面納輕

十二句詩通用支微
齊灰四韻古未有此
因來詩如是姑仍之
亭林十部之說乃韻
學非詩律也侯商

蘇武詩黃鵠一遠
別一首正用支微注
灰四韻彼詩亦止十
句耳其詩雖有質
說而蕭氏選之杜老
師之當無破律之嫌
更商

颺水外魚出戲花邊蝶亂飛即事足欣賞意行無
町畦猶有癖未除幾堆石怪竒擬築看山樓攬翠
天之西

我思淨業湖湖樓鬱宮堯年年荷花時買酒醉晴
郊紅妝隱翠蓋一水為之招吾廬隔西涯曾不里
許遙弄花半新人攀柳無舊條幸得二叟從及此
綠未凋

君詩味古淡收我汗漫心真意披肺肝淺語轉覺

深感槩徒為尔。昔固知有今。吾輩行日中。息影當
以陰。脚下有惠泉。隨時可酌斟。荷露相與烹。芳氣
弥予襟。

和樊山再過泊園納涼韵

種樹能勤暫得陰。此中合讓沈觀沈。讀書滿篋多
方誤。入世如絲再染深。對客祇為風月語。撫松不
盡棟梁心。舊人惟有樊山老。
用張廣雅句 解叩荒林寂
寞音。

次韵答黄秋岳见怀

合眼江湖足卧遊。覺來文字散千憂。即今水北名
方盛。願與城南句共搜。心境斷除無事擾。草堂寥
寂一身收。園荷如扇松如蓋。不可無君此處留。

答舒彬如奉天寄懷之作

昔年我亦度遼人。宿世風波事苦辛。却曲仍為荆
棘地。肯來須及菊花辰。來書有秋後至京語怕逢歸鶴言城
郭。太息名駒落塞塵。故意不忘張老朽。白頭鈍筆

豈能神。

種竹

闢地專一園。林亭入管內。花石稍俘掠。魚鳥且奔會。無竹一大事。寒碧繞肝肺。城南篁篠多。數本千錢費。園叟捆載來。連車可百輩。使我虛白室。俄頃變鮮翠。澆灌似撫嬰。壅培如扶醉。好事人謂迂。不俗吾甚愛。枯瘦食薇身。新居仗點綴。碧蘆假節侯。未可共寒歲。此君誓不渝。沒齒常相對。別院百株。

松支離庶與酉

泊園小憩

世事多端野馬塵。靜中觀物更觀身。行藏竹院通
松院。冷煖南人對北人。都邑頗傳新藁帙。歲時猶
整舊冠巾。綠陰幽草清涼地。小憩居然夏勝春。

晚興

架石為門樹作幃。矮窗新竹弄斜暉。家有宿儲桑
甚酒。老猶奇服芟荷衣。凡荆妄意論存滅。今昨沈

思各是非。戶外巫咸看反走。未教杜德見吾機。
拒近

相者不見

和樊山立秋日韵

眼中夕照舊金臺。秋色眉頭為展開。庭葉黃如人
漸瘦。園花紅到雁初來。攪眠蟲語紛千緒。勸客駝
羹手一杯。無限平生蕭瑟意。浪憑詩句寫清哀。

淨業湖晚步

城隅積水湖旁寺。萬柄荷花繞一身。促織叫秋驚

警言句

一起以謝康樂

懶婦春鋤嬉水笑勞人清遊未必今殊昔浮世難
明夢與真久已淵魚除健羨隔溪看理釣師綸
園中漫書

海粟亭邊雨絨花盒外煙

京師謂合歡木為絨花予以名盒

鳥喧

秋果墮樹亞古藤纏放杖僧三宿開窗我一天無
心更分別石醜與花妍

西涯觀荷和樊山韻

秋水帶城角湖風來遠香行吟何處翁脫帽入僧

却曲迷陽中間似不
能著一字

東坡五言初學
劉賓客以此言
味

房衆綠拱一軒蔽虧西日光下視百頃荷使我心
蒼茫隔岸幽絕處欲渡無野航童子煮茶熟勸客
玉泉湯高蓋日中人豈悟湖邊涼林際啼鷓鴣百
草為不芳三歎楚狂歌却曲憂迷陽

次韵樊山泊園夜坐

無月此露坐暫息勞生影收視注鼻端不放隻瞳
炯世事嚼蠟耳獨有靜味永所憾在朝市姓名人
記省埽榻著雨膝流螢上衣領感秋偶一吟吾豈

不如蚓為語夜行人路長風露冷

夕陽和樊山韻

暫得夕陽好秋來易雨風怕從垂老日看作竟天
虹向背山容改蕭疏樹影同客心將去燕無語畫
梁中

秋暑

秋暑酷於夏積威有自來清涼存夢想駭汗走輿
臺飲海龍仍渴隨陽雁却回無方能救暍書束不

氣終不羣

是時正暮宴會
鼎盛之時

須開

次韵衆異公園晚坐

吟人心境似顏陽古柳棲鴉戀景光金井葉乾風
自語玉河泉好客爭嘗未甘球鞠從輕俠已斷杯
觴尚醒狂蟬噪不休蛩轉急怪渠多事一秋忙
和衆異秋陰

一首秋吟忽我先秋花不敵語清妍薄寒衣袂更
蕭序沈醉光陰到菊前攜手江湖歸去約關懷風

雨未來天黃昏覓句向何處○只在山寒木瘦邊○
次韵樊山翁見贈

餘生自分老書叢○白髮羞將逐轉蓬○莫向良時論
鳳德○終知物病是犀通○習勞且種連畦菜○思過猶
驚度海風○鳧乙揣量多謬誤○早從天首識飛鴻○
已是灰寒木槁時○神巫見怪與委蛇○訓兒竊取黃
門語○娛老耽吟白傅詩○一尺水清魚可見○大千秋
滿葉先知歲寒憑○仗君相保徑菊園○松不負茲

假中斷句

隨流安得有常家。起落都成畫足蛇。略少歡悰惟
老色。雨窗寒對拒霜花。

次韵酬樊山再贈

早知人事有乖違。物理難窮出入機。宦味祇今思
爛熟。家書屢道不如歸。游鯨濠濮茲為樂。小鳥榆
枋豈更飛。杖策願從彭澤後。晨光前路苦熹微。

答宋鐵梅參政見贈韵

邊頭曾共鐵衣寒。劫後楸枰亦嬾觀。嚴瀨尚堪張
釣具。華山何用表高冠。蒼龜相告惟宜遜。牛馬從
呼莫謂官。買醉與君同過市。頃荷招飲東市酒樓祇今屠
狗得來難。

別京寓泊園

醜樹奇礪日日逢蕭疏最愛竹林中。向人惘惘有
離色。留得霜梨幾葉紅。

池水寒餘一尺清。晚陰欄影未分明。過橋拄杖閒
收拾。好放龜魚自在行。

百指功成一簣山。眼明附土見苔斑。爭流競秀俱
無意。何必千巖萬壑間。

故家亭榭老松身。傳舍從來幾閱人。行矣先生還

真字得真
筆力

獨笑看花吾已涉冬春

十月九日出都有作

鳴雞曉唱促南轅僕馬羞人噤不喧身外何曾携

一物眼中非復舊三門

京師舊稱正陽崇文宣武為三門今皆改作

尊羹已自輸先見薤本今方拔意根桑下轉頭增
戀惜北城松竹是吾園

過滁州

於古為名處能令醉守娛人文胡爾寂地澤亦云

此日中泥月在
竹
尚字酌

枯歲惡居民瘦山黃亂草鋪環滁仍鑿路土亦少
完膚

還海上寓廬

一出固云妄得歸安所尤親知勞問訊松竹與綢
繆對客仍吾面藏身尚此樓渾忘天下事且狎海
中漚

樊山見寄三絕句口占奉答

不辭飄然知不怪梅驛詩來清且暇八十四字千

委曲故應未盡腹中言

壽樊山翁七十

自云身是傳脩期百歲都為六九時布算偶然增

甲子鼓琴何處有成虧手書屋壁堆來藁

君方總纂清史

眼冷樵柯爛後棋事到狐疑資斷決即今耆舊抵

著龜

論衡云耆耆者也龜者舊也狐疑之事當問耆舊君為參政故有此及

剝啄經年有過從王城惜別太匆匆陶公徑只來

三益楚國人爭說兩龔蔡火乙仙明靜夜梅花子

月近窮冬。相思相望俱黃髮。世外容當訪赤松。

吾事

吾事依然老灌園。塵機暫息即仙源。經年越鳥遑
安處。一飯吳粳有數存。篝火竟成今習慣。震雷仍

撼舊驚魂。

癸丑歲二次革命。滬上被兵。今歸。又值
肇和兵輪之變。礮攻製造局。竟夕始平。

蜜梅解慰無聊意。黃額妝成笑倚門。

與壽平夷傲。登海上最高樓。

開眼視天地。殘暉不更明。山河入危淶。梯棧度平

境
五七最喜之

兀傲

生有友論棋劫相携共履聲前途迷霧雨寒雁欲
何征

自笑

自笑疏頑百不能白頭詩卷對樓燈夢中蟻穴元
虛妄眼底鳶肩各上騰豈有因人求竈火了無疑
事聽河冰客來強說朱丹轂仰視浮雲一曲肱

齋居

四海自廣大齋居一甕天門無食雁客我與我周

集中詩卷

黃陳兩序

此老韓陵陽會
茶山學所能為

旋面皺鬚鬢白吾見溼灰馬一步一顧影自忘醜
與妍遮眼持何書馬蹄秋水篇儒學不周用晚乃
入於玄守默視鼻端出入氣如煙定心退蛇虎諸
妄消我前微妙知見香甕盂開水仙

臘月十八夜大雪

十年出入冰霜地脫命南來得小休暖處忽寒非
意料直身難曲豈人尤冥茫舊夢來孤枕耐久貧
交一敝裘已失前山迷後徑樓風催白五分頭

乙卯除日

我前萬億劫。我後無量塵。云何斷一歲。溝畫分舊
新。蟋蟀語春秋。絕倒古真人。賣厯市頭兒。昨卯今
為辰。屬兔與屬龍。強配徒紛紛。老生飭故事。妄謂
枯筆神。設祭餉詩篇。高哦驚四鄰。手自斟臘酒。了
不辨清渾。鉤簾看海色。遠雪天向昏。急回萬里眼。
內視藜牀身。默數墮地來。到今經幾秦。相遭有故
物。松竹塞吾門。

嚴滄浪詩
詩至別趣此
類

園翁送花

園翁養花如養兒。揣量燥溼知忌宜。障日遮風借
巧手。窟室蘊火息相吹。厥初萌芽逮蓓蕾。寒煖以
時節宣之。是豈有道移物性。未春先見紫與緋。竹
擔肩來肯乞我。四壁老瓦生光輝。主人新從北地
歸。黃塵未拂身上衣。相贈甚媿翁意厚。對花深恐
吾面非。顧盼歲寒好顏色。不惜形影相追隨。三嗅
梅花與同氣。煩翁更致一兩枝。

元日夜雨

早褰樓幔見朝霞。兒女驚誇是日華。莫漫出門知
雨候。已成泛宅慢天涯。酒邊燭盡餘殘淚。夢裏春
還認舊花。老味無如寥寂好。黃昏歌吹沸誰家。

丙辰首春雜興

諸詩有味

滋味

江風海雨逐年新。梅塢松寮有別春。野老不知今
甲子。閉門獨自守庚申。

爆竹轟然非惡聲。市樓燈火徹宵明。破空一瞥墮

天狗膽落窮山老魅精

百戲魚龍見怪奇○有人將檀冒麟皮○一棚傀儡隨
機動○未用當筵怒偃師○

玉洞神霄好夜遊○衆中顧影更搔頭○奇衣婦飾誰
家子○隅坐殷勤與送鉤○

第一樓頭聽鼓詞○賓廡雜坐各熙熙○玉皇自笑能
陪得○亦可卑田侶乞兒○

池園珍禽百不齊○駢頭孔雀翠與山雞樊籠已脫閒

絕似宋人女几山
頭春雪消之作

鷗鳥怕有游人為品題

竿木隨身且聽歌
新人笑比舊人多
等閒莫舞黃獅子
惹得詩翁被譴呵

春雨來時春雪消
綴枝梅點小如椒
前頭花信吾能卜
看取吳江早晚潮

南北人傳兩泊園

予京師及滬上居宅皆名泊園

無多花石敵平

泉
人生適意初春日
一丈辛夷過屋椽

來遊每接白鬚叟
吟苦差如黃面翁
老我河沙千

億劫忍堪彈指向東風

早春涉園

日字易菜字何如

流沫

掩關三月斷百思。開眼已過冰雪時。小園荒寂足
音少。屋角低亞殘梅枝。春風吹物物不知。一夕青
紅變木肌。野薺花開雨不止。今日菜甲前日子老
夫見之口沫流。覺有蔬香纏缺齒。躡足五嶽未有
期。離塵寸步皆可喜。置身况有樓百尺。下視行人
往來跡。天獨厚我與一閒。肯負春來好風日。

十二詩皆以
殘脚可尋牧
高菊杜審
待後世耶

詠史十二首

荀卿六藝學。商瞿駢臂倫。談兵講治道。口耳何其
勤。儒術乖世用。晚乃託春申。聾俗建鼓鐘。佞詩安
足陳。

峭深不可為。多智喪厥躬。七國不解兵。朝衣東市
中。賈生眾建策。所見將毋同。幸哉謀不用。長沙得
令終。

投閣老不死。吾疾揚子雲。擬經吳楚僭。波流到河

汾赧顏強著書奇字欺世人
哀章銅匱作何若美
新文

公孫森陞戟偶人飾邊幟
文叔坐南宮心若忘黃
屋兩者較勝負不龜已可卜
一騎銅馬營推誠萬人服

文若王佐才正平崔鼠輩
最後得攸嘉足以濟吾
事天生二三子乃為曹吉利
許攸爾何人衆中呼
小字

賦狙伺喜怒。養虎時饑飽。古來御將術。死力借牙
爪。用詐有盡時。結歡難終保。跛鼉長黃虵。變化事
非小。

妄語麾故人。自娛以號位。鷹犬可儀同。沐猴供弄
戲。將軍面如赭。告身博一醉。何來市上人。戴頭猶
瓦器。

天人龍鳳姿。自詭識秦王。虬髯語藥師。海外事荒
唐。龕亂仗文武。真氣凌八荒。立國有本根。左右杜

與房

盜跖肝人肉。日殺中乃歡。白馬沈清流。舉網盡衣冠。編鬚犯虎怒。於道未為完。墜笏一哀翁。孑身歸王官。

希夷居華下。山中讀何書。發凡起撰述。演出先天圖。隱者好言易。醬翁猶匠歟。不知何為然。汴京喜墮驢。

文章不殉國。築亭成野史。私家謹錄藏。持用報故

橫空盤硬
真寔力量

主○永負魚腹葬○嘗聞傷心語○今無遺山筆○糜粟將
何取○

東海一魯連○北海一幼安○不嬰世垢氛○自完白與
堅○高士麻竹多○載籍代有傳○我懷良區區○神往茲
兩賢○

不動

不動如山據槁梧○守心勇過縛於菟○乍從羿穀掀
騰出○得坐甯休喘息蘇○忍事漸成垂白老○任天那

羶

世元稱引不材
適量非過協冷
澀生非刻石查
教張抱蜀作面
耶

有日黔烏樓風樓雨朝朝過茗芋先生手一壺
仁先寄示近詩却贈

孤士抱至潔與俗殊羶薌詩道意中事出語故不
常無心動凡目擢腑露天光把君金陵作跽讀古
本強三復乃渙然寒冰湔我腸造哀才數語積恨
彌八荒并世散原翁論文許雁行吾良得聆此何
啻雙鳳皇不惜撥死灰萬古回光芒
見杏

沈觀齋

造氣
十字真
造氣

十雨獲一晴。春寒殊未涯。舊栽兩株杏。偷放籬旁
花。紅意至微淺。餘光借朝霞。背人作嬌稚。吳女方
髻了。貴盛有更迭。冷淡勝天邪。看紅不看白。爛漫
何足誇。吾老貧兩眼。日以破書遮。忽然見此粲。沈
吟至昏鴉。

喜陳伯嚴同年自金陵來見過

前年麥熟時。別君遠赴闕。君言合則留。不合歸宜
決。其言最誠懇。吾已刻至骨。去去掌廷平。辨章枉

讀伯園詩者最
宜於起結受面去
義不如此是大
將江臨
終吸建義不
當以此
集示之

與直礫鼠漏吞舟。有愧持三尺。當塗何鬼我四海。
入羅畢挾媚有百士。雞狗爾何物。吾意矢不污行。
矣辨鞋襪。歸掃一園荒。羸劉任興蹶。每念蔣山翁。
書叢何自活。茲來肯適我。迎面杏花發。私喜我得
歸。索唏國垂絕。相遭惟可飲。許以留一月。胡不移
家來卜居。連巷陌。左揖楚南公。謂瞿止相。右挈東
陽客。謂沈乙盦。商歌盡長夜。徐待天地白。

感事

沈觀齋

凡解當年事。相尋到眼前。留身觀此世。無力挽滔天。
閨市真兒戲。圖王取厲憐。北方饒士馬。徒自說精妍。

鍾元室題。品公符曰。真骨凌霄動。五
振絕奈極。新交振絕。四字。心識其境。
而言語不能形容也。疎泊園詩。時遇此
境。我何不能逐句逐字。標出志之所至。
環中象外。當占元。和元祐諸賢。端身。

戊子八月植識

開有省墓之行確矣大集五冊叙
 多度世道時亦未暇次而細讀
 甚矣心老集也蕭如款請
 泊園先生采玉
 郭慎可書

老翁月冬月三日同出觀割向後遶壑向
 墮戶坐今年視往年差勝不勝不勝嘆曰

數王固月無碑常已待祠見示生斯酌飽海
山昔也惜伯桓行期較迫此來卒業不得與之

一賣

樊山又稿

